





ԱՄԱՆՈՐՅԱ ԵՎ ՍՈՒՐԲ ԾՆՆԴՅԱՆ ՀԱՆԴԻՍՈՒԹՅՈՒՆՆԵՐ ՄԱՅՐ ԱԹՈՒՈՒՄ

Նոր տարվա դիմավորումը Ղազարապատի վանական սեղանատանը

Այս տարի էլ Ամանորի և ս. Ծննդյան տոներին նվիրված հանդիսությունները Մայր Աթոռում կատարվեցին ավանդական շուքով, սրտագին մթնոլորտում և անխառն ուրախությամբ:

Ղազարապատի վանական սեղանատանը, ամանորյա զվարթ սեղանների շուրջ, համախմբված էին Գերագույն հոգևոր խորհրդի և Մայր Աթոռի միաբանության ու վերստուգիչ հանձնաժողովի անդամները, «Էջմիածին» ամսագրի խմբագրական կազմը, հոգևոր ճեմարանի տեսչությունը, դասախոսական կազմն ու ուսանողությունը, մայրավանքի ղեկավար պաշտոնությունը, Մայր Աթոռում իրենց պարտքը կատարած աշխատանքի մարդկանց արդար խղճով և գոհունակությամբ, Հայոց Հայրապետի օրհնաբեր ներկայությամբ ճանապարհելու անցնող տարին, որն իրապես եղավ հոգեվոր, եկեղեցական, մշակութային ու շինարարական իրադարձություններով հարուստ տարի, և վստ հույսերով, անկտրում հավատով ու լավատեսությամբ, գալիքի նկատմամբ պայծառ երազանքներով ողջունելու նոր տարին, որը բացվում է բոլորի առաջ որպես նոր կյանքի և աշխատանքային սխրանքների սպիտակ մատյան:

Դեկտեմբերի 31-ին, չորեքշաբթի.

Ժամը 20-ին վեհապառ Հայրապետը մուտք է գործում վանական սեղանատուն, որը զարդարվել է Նոր տարվա հատուկ պայծառ լույսերով, տոնաձևով և երվանդ թղթե ծաղիկներով:

Հայոց Հայրապետի մուտքը ողջունվում է բոլոր ներկաների սրտագին ծափողջույններով և երախտագետ ծախտներով:

Մայր Աթոռի բարիքներով ծանրաբեռն Ամանորի սեղանն օրհնում է Հայոց Հայրապետը:

Սեղանների շուրջ ստեղծվում է Ամանորի խոհերով, մտորումներով օծուն վանական ջերմիկ մթնոլորտ:

Հայոց Հայրապետի և բոլոր ներկաների Նոր տարին շնորհավորում է հոգևոր ճեմարանի տեսուչ տ. Հովհաննես ավագ քհն. Մարությանը:

«Ամանոր է: Խնդության, հրճվանքի օր, մտորելու, տխրելու, ուրախանալու, մի նոր եռանդով կյանքի հորձանքն ի վեր մաքառելու ուխտով գոտեպնդվելու օր:

Մի քանի ժամ ևս, ու պատմության գիրկըն է անցնելու մեզանից յուրաքանչյուրի կյանքից մի տարի ևս: Այս պահին ուրախանում է և՛ ծերունին, և՛ երիտասարդը, և՛ մանուկը՝ վերանորոգվող կյանքի խորհրդին ի տես: Նրանք այսօր ի մի են բերում երազանքների իրականացման ճանապարհին իրենց ձեռք բերած հաջողությունները



և դառնությունն ապրում՝ ծրագրերի և իրականացած արդյունքների մեջ տեսնելով բաց կողմերը:

Կամոքն Աստուծո, այս տարի ևս մեր ժողովուրդը հայրենի երկրում և սփյուռքի տարածքի վրա խաղաղությամբ անցկացրեց հոգևոր-եկեղեցական, մշակութային, տնտեսական արդյունավետ մի տարի:

Վեհափառ Տեր, քանի որ Նոր տարին հաշվեհարդարի օր է, մեր նվաճումներով ոգևորվելու, ուրախանալու, մեր վրիպումներով տխրելու օր, այս առիթով Ձերո Սրբությանը կարող ենք վստահեցնել, որ Մայր Աթոռն ա. Էջմիածնի և մեր հավատացյալ ժողովրդի սիրտը հանդիսացող Էջմիածնի հոգևոր ճեմարանը, պայմանների ընձեռած չափով, տեսչությունը, դասախոսական կազմը Ձերո Սրբության գլխավորությամբ անմնացորդ նվիրումով կարելին արեցին՝ անցյալ տարին ավելի արդյունավետ ուսումնական տարի դարձնելու համար:

Ա. Էջմիածնի հոգևոր ճեմարանի դասախոսական կազմն իր մանկավարժական փորձն ի պատ է դրել մեր խնամքին հանձնված աշակերտներից կերտելու մեր եկեղեցուն պիտանի ապագա սպասավորներ:

Մի քանի օր առաջ, դեկտեմբերի 25-ին, ա. Ստեփանոս նախակալի տոնի օրը, Բ լսարանի մեր ուսանողներից յոթ հոգի սարկավագ ձեռնադրվեցին, իսկ դրանից մեկ օր առաջ այլ դասարանների ուսանողներից երկուսը ուրարակրի և ութը դպրության աստիճաններ ստացան:

Հավատում ենք, որ նրանցից շատերն ապագայում ընդգրկվելու են եկեղեցու ապաստավորների շարքերը՝ ուրախացնելով Ամենայն Հայոց Հայրապետին և մեր ժողովրդին:

Թող նոր տարին մարդկությանը բերի լույսի, հույսի շողեր, խաղաղություն՝ խոռվահույզ երկրների ժողովուրդներին:

Այսօր, Վեհափառ Տեր, Մայր Աթոռի միաբանության, հոգևոր ճեմարանի տեսչության, դասախոսական կազմի և ուսանողության համար Ձեր շուրջը համախորհվելու ու մեր ուխտերը վերանորոգելու առիթ է:

Թող Աստված Ձեզ երկա՛ր ու երկա՛ր կյանք պարգևի՝ ավելի արդյունավորելու համար Ձեր հայրապետական կյանքի շրջանը:

Այս զգացումներով և մտածումներով թույլ տվեք, Վեհափառ Տեր, հոգևոր ճեմարանի տեսչության անունից շնորհավորել Ձեր Նոր տարին:

Կեցցե Մայր Աթոռն ա. Էջմիածինը:

Կեցցե ա. Էջմիածնի հոգևոր ճեմարանը: Կեցցե մեր բոլորիս սիրելի Ամենայն Հայոց Հայրապետը»:

Հոյր ներկայները հունկայս և միասիրտ ու միախոհ երգում են «Էջ Միածինն ի Հօրէ՛» Մայր Աթոռի հիմնը:

Ի դիմաց միաբանության, Մայր տաճարի լուսարարապետ տ. Հուսիկ եպս. Սանթրությանը շնորհավորում է Վեհափառ Հայրապետի Նոր տարին և առաջարկում բաժակ բարձրացնել Նորին Սրբության կենացը, Նրա եկեղեցաշեն, հայրենակներ ու խաղաղասիրական գործունեության հաջողության համար:

Ճեմարանի սաները երգում են Հայրապետական մաղթերգը:

Նոր տարվա ողջույնի և շնորհավորական խոսք է ասում, ի դիմաց հոգևոր ճեմարանի դասախոսական կազմի, Սամվել Անթոնյանը:

Հանուն ճեմարանի ուսանողության, Հայոց Հայրապետին ողջյալ շնորհավորանքների և որդիական երախտագիտության հետևյալ ողերձն է կարդում Բ լսարանի ուսանող Արծրուն արկ. Ավետիսյանը:

«Մարդկանց համար անհասանելի ու անպարփակելի ժամանակը սանձահարելու և տիրելու համար մարդը ստիպված է եղել նրան բաժանել, որպեսզի տիրի: Եվ այդ բաժանումներից ամենախորհրդավորն ու գեղեցիկը տարիների բաժանումն է:

Այս աստվածադիր ավանդության նախօրյակին բոլոր մարդիկ իրենց մտքում հանրագումարի են բերում այն ամենը, որ տեղի է ունեցել իրենց հետ ընթացիկ տարում:

Կյանքում ամեն մարդ ունի նպատակ և ձգտում, որ այն իրականանա: Բայց հասնել երազած նպատակին, նշանակում է՝ անցնել երկար ու ձիգ մի ճանապարհ, որի վրա սփռված են բազմաթիվ դժվարանց խոչընդոտներ: Բայց ինչպես քրիստոնեական գերագույն ճշմարտությունն է ասում, պետք է ունենալ հույս, հավատ և սեր: Այս երեքը հաջողության հասնելու այն նախապայմաններն են, որոնցով սկսվում է նպատակի իրագործումը: Եվ մենք հույսով ենք, որ կարողացանք մեզ վրա դրված հույսերը:

Մենք՝ ուսանողներս, նույնպես ուրախ ենք, որ հանձնել ենք մեր կիսամյա քննությունները և այժմ պատրաստ ենք զգույս մեզ՝ մտնելու նոր տարվա դռնից ներս, նոր երազներով ու ձգտումներով:

Մենք այժմ շնորհավորում ենք Ձեր Նոր տարին, Վեհափառ Տեր, և ցանկանում Ձեզ արևշատություն և Ձեր սանձահարած ա-

կրթությամբ՝ հավիտենական ժամանակի մեջ փայլ ու պայծառություն:

Վեհափառ Տեր, թույլ տվեք ճեմարանի ուսանողության անունից համբուրել Ձեր հայրապետական սուրբ Աջը՝ բերելով մեր խոնարհ աղոթքները Ձերդ Վեհափառությանը՝ ստանալու համար Ձեր հայրապետական օրհնությունները:

Անունհետև գործադրության է դրվում գեղարվեստական կոկիկ մի հայտագիր՝ խինդով ու ծիծաղով լցնելով բոլոր ներկաների հոգիները: Հայտագրի հաջող համարներից մեկն էր նաև սրամիտ, երգիծական «կաղանդեքեր»-ը, որ գրել էր Բ լսարանի ուսանող Լևոն սրկ. հաղդասարյանը:

Հանդիսության ավարտին խոսք է առնում Հայոց Հայրապետը՝ շեշտելով, որ Ինքը սիրով և գոհունակությամբ եկավ Ամանորին նվիրված սույն հանդիսությանը՝ բերելու Իր հայրական ողջույնն ու օրհնությունը բոլորին և Իր գնահատանքը՝ օրվա առիթով գործադրված գեղարվեստական բաժնի ծրագրին:

Այնուհետև Հայոց Հայրապետը հայտարարում է, որ լավատեսությամբ ու պայծառ հավատքով բացենք նոր տարվա դռները: Մեր հաջողության, գոհունակության առաջին գրավականը մեր մայր հայրենիքն է: Գոհ ենք 1975 թվականի արդյունքներից և ավելի գոհ լինելու հիմքեր ունենք 1976-ից: Մեր հայրենիքը, շեշտում է Հայոց Հայրապետը, ապրում և ստեղծագործում է խաղաղության պայմաններում: Նորին Սրբությունը մաղթում է, որ մեր հայրենիքի այդ խաղաղությունը լինի ամուր, տևական, եղբայրական ժողովուրդների մեծ ընտանիքում, ընտանիք, որը հուսալի պատվար է խաղաղության պաշտպանության:

Նորին Սուրբ Օծությունը խոսում է նաև այն մասին, որ այս նոր տարվա սեմին Ամանորի մեր ուրախությունների մեջ կա նաև տխրություն, որովհետև աշխարհի ուրոշ մասերում կրակ է ժայթքում, ողբերգություններ են կատարվում: Հայոց Հայրապետը սրտագին ցանկություն է հայտնում, որ խաղաղության աղավկին իջնի մահավանդ Լիբանանի օրհնյալ երկրի և ժողովուրդների վրա, որոնց ծոցում ապրում են նաև մեծ թվով հայեր:

Մեր հաջողության, գոհունակության երկրորդ գրավականը, հաստատում է Հայոց Հայրապետը, Մայր Աթոռ Ս. Էջմիածինն է, որը հայ ժողովրդի և հայոց վերածնված հայրենիքի հանդեպ իր պարտքը, իր պատմական առաքելությունը կատարում է հավատքով ու սրբությամբ:

Այնուհետև Մայր Աթոռի միաբանության

և հոգևոր ճեմարանի ուսանողության ուղղված բովանդակային ու սրտառու խրատականով Հայոց Հայրապետն ավարտում է ամանորյա Իր խոսքը և պատգամը:

Ամանորի հանդիսությունն ավարտվում է ժամը 23-ին, միասիրտ երգված Տերունական աղոթքով:

Ժամը 24-ն է: Հնչում են Մայր տաճարի զանգերը, հնչում 365 անգամ: Պատմության գիրկն է անցնում Մայր Աթոռի կյանքում իրադարձություններով հարուստ ևս մեկ տարի:

Մայր տաճարում, խորին լուռության մեջ, նոր տարվա առաջին իսկ րոպեին, Մայր Աթոռի միաբաններն ու ճեմարանի ուսանողությունն իրենց անդրանիկ աղոթքն են մրմնջում, որպեսզի 1976 թվականը լինի ս. Էջմիածնի առավել պայծառության, հայրենիքի խաղաղության, առատության, քաղաքության և ողջ աշխարհում մնայուն ու կայուն խաղաղության տարի:

Ս. պատարագ Նոր տարվա առիթով

Հունվարի 1-ին, հինգշաբթի օրը, առավոտյան ժամը 10.30-ին, Մայր տաճարում տ. Թորգոմ աթղ. Մուշեղյանը ս. պատարագ է մատուցում Նոր տարվա առիթով և քաղաքում «Ո՛ տայր ինձ գծոյսն ծխանի և գառաւօտն Նաւասարդի» բնաբանով՝ շնորհավորելով Վեհափառ Հայրապետի և Մայր Աթոռի միաբանության Նոր տարին:

Հավարտ ս. պատարագի Իջման ս. սեղանի շուրջ հանդիսավորությամբ կատարվում է Հայրապետական մաղթանք:

Հավարտ ս. պատարագի Վեհափառ Հայրապետը եկեղեցական թափորով առաջնորդվում է Վեհարան, ուր Մայր Աթոռի դիվանապետ տ. Արսեն եպս. Բերբերյանը մի անգամ ևս շնորհավորում է, ջերմ սիրով և երախտագիտությամբ, Վեհափառ Հայրապետի Նոր տարին՝ քաջառողջության սրտագին բարեմաղթություններով:

Հայոց Հայրապետը խորապես զգացված Նոր տարվա առթիվ միաբանության կողմից արտասանված որդիական բարեմաղթություններից, շնորհավորում է միաբանության Նոր տարին և տալիս Իր օրհնությունն ու պատգամը:

Մայր Աթոռի միաբաններն աջահամբույրով ստանում են Հայոց Հայրապետից 1976 թվականի ս. Էջմիածնի օրացույցներ:

Ծրագալույցի սուրբ պատարագ Մայր տաճարում

Հունվարի 5-ին, երկուշաբթի.—Ծրագալույց Ծննդեան և Աստուածայայտնութեան Տեառն մերոյ Յիսուսի Քրիստոսի.

Օրվա տոնի առիթով երեկոյան ժամը 17-ին Մայր տաճարում պաշտովում է Ծրագալույցի հանդիսավոր ժամերգություն՝ աստվածաշնչական ընթերցումներով և համապատասխան շարականների երգակցությամբ:

Եկեղեցական թափորով Մայր տաճար է առաջնորդվում Հայոց Հայրապետը:

Ս. պատարագից առաջ Մայր Աթոռի սարկավագներն ու հոգևոր ճեմարանի ուսանողներն Ավագ սեղանից ընթերցում են Դանիել մարգարեի «Երից մանկանց» օրհներգությունը:

Ծրագալույցի հանդիսավոր ա. պատարագը մատուցում է տ. Արսեն եպ. Բերքերյանը:

Հավարտ ա. պատարագի վեհափառ Հայրապետի հանդիսարությամբ կատարվում է ա. Ծննդյան նախատոնակը: Մայր տաճարում վեհ ու տպավորիչ հնչում է «Խորհուրդ մեծ և սքանչելի»-ն:

Երեկոյան ժամը 20.30-ին Ղազարապատի միաբանական սեղանատանն օրհնվում են Մայր Աթոռի բարիքները, աղև ու հացը և ապա ողջ միաբանությունն ու ճեմարանի ուսանողությունը մասնակցում են ա. Ծննդյան ուրախ սեղանին:

«Քրիստոս ծնաւ և յայտնեցաւ»:

Ա. Հ.

